

გამარტივებული შესყიდვა
სახელმწიფო შესყიდვების შესახებ საქართველოს კანონის 10¹ მუხლის მე-3 პუნქტის „დ“ ქვეპუნქტის შესაბამისად (საქართველოს
მთავრობის 2016 წლის 08 იანვრის #19 განკარგულება
(SMP150001118)

ქ. თბილისი

2016 19 სექტემბერი

ხელშეკრულების მხარეები

შპს „სახელმწიფო კვებითი უზრუნველყოფა“ წარმოდგენილი მისი დირექტორის მირანდა მანჯგალაძის სახით, (შემდგომში მოხსენიებული, როგორც „მყიდველი“, ერთის მხრივ და შპს „თ & რ დისტრიბუშენ“ წარმოდგენილი გენერალური დირექტორის რაფიელ სურამელაშვილის სახით (შემდგომში მოხსენიებული, როგორც „გამყიდველი“) მეორეს მხრივ, ვდებთ წინამდებარე ხელშეკრულებას შემდეგზე:

მუხლი 1. მხარეთა ძირითადი შეთანხმების შესახებ (ხელშეკრულების საგანი)

- 1.1. წინამდებარე ხელშეკრულების შესაბამისად „გამყიდველი“ ვალდებულია „მყიდველს“ მიაწოდოს დანართი #1-ში აღნიშნული სხვადასხვა სახის სიგარეტი და სანთებელა (შემდგომში - საქონელი) „მყიდველისათვის“ საჭირო რაოდენობითა და ამ ხელშეკრულებით განსაზღვრული წესით, ხოლო „მყიდველი“ ვალდებულია ხელშეკრულებით განსაზღვრული წესით და ვადებში მიიღოს საქონელი და გადაიხადოს მისი ღირებულება.
- 1.2. საქონლის ერთეულის ფასი, რაოდენობა და მახასიათებელი მითითებულია დანართ N1-ში და მოიცავს საქართველოს კანონმდებლობით დადგენილ ყველა გადასახადს.
- 1.3. ხელშეკრულების ღირებულება შეადგენს 83,000 (ოთხმოცდასამი ათასი) ლარს.

მუხლი 2. საქონლის შესაბამისობის შესახებ

- 2.1. „გამყიდველი“-ს მიერ „მყიდველისათვის“ გადასაცემი საქონლის ხარისხი, სტანდარტები, ძირითადი მახასიათებლები და სხვა პარამეტრები უნდა შეესაბამებოდეს საქართველოს კანონმდებლობით დადგენილ წესებს, ნორმებსა და „გამყიდველის“ მიერ წინამდებარე ხელშეკრულებით შემოთავაზებულ პირობებს.

მუხლი 3. მხარეთა უფლებამოსილებებისა და მოვალეობების შესახებ

- 3.1. წინამდებარე ხელშეკრულებით, „გამყიდველი“ ვალდებულია საქონელი „მყიდველს“ მიაწოდოს ხელშეკრულებით განსაზღვრული წესით, „მყიდველისათვის“ საჭირო რაოდენობით, ხოლო „მყიდველი“ ვალდებულია მიიღოს საქონელი და მოახდინოს „გამყიდველთან“ ანგარიშსწორება ხელშეკრულებით გათვალისწინებული პირობებით.
- 3.2. „მყიდველი“ ვალდებულია მიიღოს საქონელი, მიღების მომენტში შეამოწმოს საქონლის რაოდენობა ხარისხი, შეფუთვა და გარეგანი იერსახე.
- 3.3. „მყიდველი“ ვალდებულია „გამყიდველს“ აუნაზღაუროს მიწოდებული საქონლის ღირებულება ამ ხელშეკრულების მე-7 მუხლის შესაბამისად.
- 3.4. მხარეები ვალდებულნი არიან ხელშეკრულების ურთიერთობიდან გამომდინარე უზრუნველყონ ინფორმაციის კონფიდენციალობის დაცვა, რაც გულისხმობს მათთვის ვალდებულებათა შესრულების შედეგად ცნობილი ინფორმაციის (ტექნოლოგიური ხასიათის საკითხები, საქმიანობის დეტალები, კომპანიის კონტრაგენტების ვინაობა, სქემები, და სხვა) გამჟღავნების დაუშვებლობას მესამე პირებისათვის.

მუხლი 4. საქონლის მახასიათებლების შესახებ (რაოდენობა და ხარისხი)

- 4.1. „გამყიდველი“ ვალდებულია მიწოდების დოკუმენტებში (ზედნაღები) მიუთითოს მიწოდებული საქონლის მახასიათებელი და ფასები.
- 4.2. ხელშეკრულებაში დაფიქსირებული ფასების შეცვლა დაუშვებელია თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები „მყიდველი“-სათვის.
- 4.3. მიწოდებული საქონლის მახასიათებელი და რაოდენობა უნდა შეესაბამებოდეს მიწოდების დოკუმენტში აღნიშნულს.
- 4.4. საქონლის ხარისხი უნდა შეესაბამებოდეს მწარმოებლის დეკლარირებულ სტანდარტებს, საქართველოს კანონმდებლობის მოთხოვნებსა და „გამყიდველის“ მიერ შემოთავაზებულ პირობებს.
- 4.5. „გამყიდველი“ იძლევა გარანტიას, რომ საქონლის „მყიდველი“-სათვის გადაცემის მომენტში, არის საქონლის კანონიერი მფლობელი და ასევე, რომ საქონელი არ არის დაგირავებული, დაყადაღებული, მესამე პირებს არ შეიძლება წარმოეშვათ რაიმე სახის პრეტენზია აღნიშნულ საქონელთან მიმართებაში.

მუხლი 5. მიწოდებისა და დოკუმენტების შესახებ

- 5.1. მიწოდებისას სასაქონლო ზედნადები (შემდგომში ზედნადები) ან/და ანგარიშ-ფაქტურა უნდა გაფორმდეს საქართველოს კანონმდებლობის მოთხოვნათა შესაბამისად.
- 5.2. თუკი საქონლის მიღების შემდეგ აღმოჩნდება, რომ დოკუმენტები შეცდომით, ან არასათანადო ფორმითაა გაფორმებული, 'მყიდველი' ატყობინებს აღნიშნულის შესახებ 'გამყიდველს', რომელიც ვალდებულია არაუგვიანეს მეორე დღისა მოახდინოს ახალი დოკუმენტების წარმოდგენა და ძველის გაუქმება/კორექტირება.
- 5.3. საქონლის ფაქტობრივი მიწოდება უნდა განხორციელდეს სასაქონლო ზედნადების გაფორმების დღეს.

მუხლი 6. საქონლის მიღება-ჩაბარების შესახებ

- 6.1. „მყიდველი“-ს წარმომადგენელი „გამყიდველი“-ს წარმომადგენლის თანდასწრებით უზრუნველყოფს საქონლის დათვალიერებას და მიღებას ხელშეკრულების დანართ N1-ში მითითებულ ადგილზე.
- 6.2. საქონლის მიღებისას, „მყიდველი“ შეამოწმებს საქონლის რაოდენობის, მახასიათებლისა და ხარისხის შესაბამისობას წარდგენილ დოკუმენტებთან მიმართებაში. მიწოდებული საქონლის ღირებულებისა და მიღების ფაქტი ფიქსირდება და დასტურდება საქართველოს კანონმდებლობით დადგენილი დოკუმენტებითა და „მყიდველი“-ს წარმომადგენლის ხელმოწერით ზედნადებზე ან/და ა/ფაქტურაზე ან/და მიღება-ჩაბარების აქტზე. „მყიდველი“ უფლებამოსილია არ მიიღოს საქონელი და არ მოაწეროს ხელი შესაბამის დოკუმენტს, თუკი საქონლის რაოდენობა, მახასიათებლები, ხარისხი, შეფუთვა, გარეგანი იერსახე არ შეესაბამება მხარეთა შორის შეთანხმებულ პირობებს და საქართველოს კანონმდებლობით დადგენილ წესებსა და ნორმებს.
- 6.3. „მყიდველის“ უფლებამოსილებას საქონლის მიღებასთან, შემოწმებასთან, ანგარიშსწორებასთან და მონაცემების შედარებასთან დაკავშირებით, ახორციელებს „მყიდველის“ უფლებამოსილი თანამშრომელი (მენეჯერი, საწყობის უფროსი, ფინანსური მენეჯერი, ბუღალტერი, ადმინისტრაციული დეპარტამენტის კომერციული კოორდინატორი, მძღოლი და სხვა).
- 6.4. „გამყიდველის“ უფლებამოსილებას საქონლის გადაცემასთან, შემოწმებასთან, ანგარიშსწორებასთან და მონაცემების შედარებასთან დაკავშირებით, ახორციელებს „გამყიდველის“ უფლებამოსილი თანამშრომელი (დისტრიბუტორი, ვაიზერი, მენეჯერი, ბუღალტერი და სხვა).

მუხლი 7. ანგარიშსწორების შესახებ

- 7.1. საქონლის ღირებულების ანგარიშსწორება განხორციელდება უნაღდო ანგარიშსწორების გზით.
- 7.2. ანგარიშსწორება მოხდება შემდეგი წესით: „მყიდველი“ „გამყიდველს“ გადაუხდის მიწოდებული საქონლის ღირებულებას ფაქტობრივად მიწოდების და შესაბამისი დოკუმენტაციის გაფორმებიდან არაუგვიანეს იმავე დღისა.
- 7.3. თუკი 7.2. პუნქტში მოცემული დღე ემთხვევა არასამუშაო დღე(ებ)ს, ანგარიშსწორება განხორციელდება მომდევნო სამუშაო დღეს.
- 7.4. მიწოდებული საქონლის ღირებულების და ოდენობის სადაოდ გახდომის შემთხვევაში, ძირითად საანგარიშო დოკუმენტს წარმოადგენს წინამდებარე ხელშეკრულება, „მყიდველის“ და „გამყიდველის“ ან მათი წარმომადგენლების მიერ ხელმოწერილი სასაქონლო ზედნადები ან/და საგადასახადო ა/ფაქტურა ან/და მიღება-ჩაბარების აქტი და გადახდის დამადასტურებელი დოკუმენტები.

მუხლი 8. ხელშეკრულების შესრულების კონტროლის შესახებ

- 8.1. ხელშეკრულების შესრულების კონტროლს განახორციელებს:
 - 8.1.1. შპს „სახელმწიფო კვებითი უზრუნველყოფის“ - კომერციული კოორდინატორი ან/და სახელმწიფო შესყიდვებისა და ლოჯისტიკის დეპარტამენტის უფროსი ან მის მიერ უფლებამოსილი თანამშრომელი - მიწოდებული საქონლის ფასის შესაბამისობა ხელშეკრულებაში დაფიქსირებულ ფასთან, შვეკეთის მიცემისა და შესრულების ვადების კონტროლი, მიწოდების ადგილი.
 - 8.2. კონტროლი ხორციელდება ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.
 - 8.3. კონტროლის განხორციელების ადგილია: საქონლის მიწოდების ადგილი და სხვა ნებისმიერი ადგილი 'მყიდველის' არჩევანის მიხედვით.

მუხლი 9. მხარეთა პასუხისმგებლობის შესახებ (რეკლამაცია)

- 9.1. იმ შემთხვევაში, თუ „მყიდველი“, „გამყიდველს“ არ გადაუხდის მიწოდებული საქონლის ღირებულებას ხელშეკრულებით დადგენილ ვადაში და ასეთი გადაუხდელობა გრძელდება „გამყიდველის“ მიერ აღნიშნულის თაობაზე წერილობითი შეტყობინების გაგზავნიდან 10 (ათი) სამუშაო დღეზე მეტი ვადით, „გამყიდველი“ უფლებამოსილია „მყიდველს“ დააკისროს გადასახდელი ძირითადი თანხის 0,3% ყოველი ვადაგადაცილებული დღეზე.
- 9.2. იმ შემთხვევაში, თუ „გამყიდველი“ არ განახორციელებს შესასყიდი საქონლის მიწოდებას ხელშეკრულებით განსაზღვრულ ვადაში ან/და არ მომხდარა შვეკეთის კორექტირება „მყიდველის“ მოთხოვნის მიუხედავად, „მყიდველი“ უფლებამოსილია გამყიდველს დააკისროს ჯარიმა დაგვიანებით მიწოდებული საქონლის ღირებულების 1% ლარის ოდენობით ყოველ ვადაგადაცილებულ დღეზე.
- 9.3. თუ „მყიდველი“ საქონლის მიღების შემდეგ, მიღებიდან არაუგვიანეს 5 (ხუთი) სამუშაო დღისა აღმოაჩენს, რომ მიღებული საქონლის სახეობა, შეფუთვა, გარეგანი იერსახე, მახასიათებლები ან ხარისხი არ შეესაბამება არსებულ სტანდარტებსა და მხარეთა შორის შეთანხმებულ პირობებს, „მყიდველი“ უფლებამოსილია მოსთხოვოს გამყიდველს წუნდებული საქონლის ჩანაცვლება. „გამყიდველი“ ვალდებულია ჩანაცვლება (იდენტური საქონლით) განახორციელოს 2 (ორი) სამუშაო დღეში.

მუხლი 10. ხელშეკრულების შესრულების შეფერხების შესახებ

- 10.1 თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებას, რომლის გამოც ფერხდება ხელშეკრულების პირობების შესრულება, ამ მხარემ დაუყვივნებლივ უნდა გაუზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამოწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში, უნდა აცნობოს მეორე მხარეს თავისი გადაწყვეტილება ამ გარემოებებთან დაკავშირებით.
- 10.2 თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების შესახებ, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით. შეთანხმების შემთხვევაში გადავადებულ პერიოდზე მხარეს არ დაეკისრება პირგასამტეხლო.

მუხლი 11. ფორს-მაჟორის შესახებ

- 11.1 ამ ხელშეკრულების მიზნებისათვის დაუძლეველი ძალა (ფორს – მაჟორი) არის გარემოებები, რომლებიც წარმოიშობა მხარეთა ნებისაგან დამოუკიდებლად და, მიუხედავად მხარეთა მიზანმიმართული მოქმედებებისა, შეუძლებელი ხდება მათი დაძლევა. დაუძლეველი ძალის გარემოებებს მიეკუთვნება: სტიქიური უბედურებები, გადაულახავი ბუნებრივი მოვლენები, ომი და ა.შ. რაც დასტურდება შესაბამისი უფლებამოსილი ორგანოს მიერ.
- 11.2 მხარეებს არ ეკისრებათ პასუხისმგებლობა ხელშეკრულების პირობების დარღვევისათვის ან თავისი ვალდებულებების არადროული შესრულებისათვის დაუძლეველი ძალის გარემოებების მოქმედების მთელი დროის განმავლობაში.
- 11.3 მხარე, რომელიც მიუთითებს დაუძლეველ ძალაზე, ვალდებულია წერილობითი ფორმით ან ინფორმაციის ელ-ფოსტის, ტელეფონის ან ფაქსის გაგზავნით შეატყობინოს ამის შესახებ მეორე მხარეს.
- 11.4 წინამდებარე ხელშეკრულების მოქმედება შეჩერდება ფორს-მაჟორული გარემოებების მოქმედების მთელი დროის მანძილზე. მხარეები ვალდებულნი არიან უზრუნველყონ ხელშეკრულების მოქმედების გაგრძელება აღნიშნული გარემოებების მოქმედების შეწყვეტის მომენტიდან.
- 11.5 თუ დაუძლეველი ძალის მოქმედება გრძელდება 35 დღეზე მეტი ხნით, თითოეული მხარე უფლებამოსილია მოითხოვოს ხელშეკრულების შეწყვეტა, აღნიშნულის შესახებ მეორე მხარისათვის წერილობითი შეტყობინების გაგზავნის გზით.

მუხლი 12. ხელშეკრულების მოქმედების ვადის შესახებ

- 12.1 წინამდებარე ხელშეკრულება ძალაში შედის ხელმოწერის მომენტიდან.
- 12.2 ხელშეკრულება მოქმედებს 2016 წლის 19 ოქტომბრის ჩათვლით.
- 12.3 ხელშეკრულება ერთ-ერთი მხარის წერილობითი განცხადებით შეიძლება შეწყდეს ვადამდე შემდეგ შემთხვევებში:
- (ა) მხარეთა შეთანხმებით ნებისმიერ დროს; (ბ) მყიდველის მიერ 5 (ხუთი) კალენდარული დღით ადრე წერილობითი შეტყობინების გაგზავნის შემთხვევაში; ხელშეკრულება ვადამდე შეწყვეტილად ითვლება მეორე მხარისათვის ხელშეკრულების შეწყვეტის შესახებ წერილობითი მოთხოვნის გადაცემიდან 5 (ხუთი) კალენდარული დღის გასვლის შემდეგ. (გ) 'მყიდველმა' შეწყვიტა, ან შეაჩერა თავისი საქმიანობა; (დ) მიმდინარეობს 'მყიდველის' ან 'გამყიდველის' გადახდისუნარიანობის საქმის წარმოება; (ე) 'გამყიდველი' სისტემატურად (2-ჯერ ან მეტჯერ) არღვევს თავის მოვალეობებს; (ზ) 'მყიდველმა' ანგარიშსწორების განხორციელების ვადას გადააცილა 20 (ოცი) კალენდარულ დღეზე მეტი ვადით; (თ) 'გამყიდველმა' არაერთგზის (2-ჯერ ან მეტჯერ) დაარღვია ხელშეკრულების პირობები
- 12.4 ხელშეკრულების ვადის გასვლით ან ვადამდე შეწყვეტის შემთხვევაში 'მყიდველი' ვალდებულია ხელშეკრულების შეწყვეტის ძალაში შესვლიდან 20 (ოცი) კალენდარული დღის განმავლობაში სრულად გადაიხადოს (დაფაროს) 'გამყიდველის' წინაშე არსებული დავალიანება.

მუხლი 13. დასკვნითი დებულებების შესახებ

- 13.1 მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის წინამდებარე ხელშეკრულებისა და საქართველოს კანონმდებლობის შესაბამისად.
- 13.2 წინამდებარე ხელშეკრულებიდან გამომდინარე მხარეთა უფლებებთან და მოვალეობებთან დაკავშირებით გამოიყენება საქართველოს კანონმდებლობა.
- 13.3 „მხარეები“ ადასტურებენ, რომ „ხელშეკრულების“ შინაარსი ზუსტად გამოხატავს „მხარეთა“ ნებას და რომ მათ მიერ ნების გამოვლენა მოხდა „ხელშეკრულების“ შინაარსის გონივრული განსჯის შედეგად და არა მარტოდენ სიტყვა-სიტყვითი მნიშვნელობიდან.
- 13.4 ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 13.5 წინამდებარე ხელშეკრულების დანართები წარმოადგენს ხელშეკრულების განუყოფელ ნაწილს და მოქმედებს მასთან ერთად.
- 13.6 ყოველი მხარე წერილობით ატყობინებს მეორე მხარეს იმ გარემოებების შესახებ, რომელთაც შეუძლიათ იქონიონ გავლენა მხარის მიერ თავისი ვალდებულებების შესრულებაზე: რეორგანიზაცია, რეკვიზიტების შეცვლა, გადახდისუნარიანობა ან გადახდისუნარიანობის ალბათობა, ლიცენზიის მოქმედების ვადის ამოწურვა და სხვა. მხარე, რომელიც არ ატყობინებს ან არადროულად ატყობინებს მეორე მხარეს წინამდებარე ხელშეკრულებით ნაკისრი ვალდებულებების შესრულების დამაზრკოლებელი გარემოებების შესახებ, ვალდებულია მეორე მხარეს აუნაზღაუროს ამასთან დაკავშირებით წარმოქმნილი ზარალი.

- 13.7 „ხელშეკრულების“ რომელიმე მუხლის, პუნქტის ან/და ქვეპუნქტის ბათილობა არ გამოიწვევს მთლიანად „ხელშეკრულების“ ან/და მისი სხვა ცალკეული მუხლის, პუნქტის ან/და ქვეპუნქტის ბათილობას. ბათილი დებულების ნაცვლად, გამოიყენება იმგვარი დებულება, რომლითაც უფრო ადვილად მიიღწევა „ხელშეკრულებით“ (მათ შორის ბათილი დებულებით) გათვალისწინებული მიზანი.
- 13.8 მხარეებს შეუძლიათ ხელშეკრულებაში შეიტანონ ცვლილებები და დამატებები, რომლებიც უფლებამოსილი პირების მიერ ხელმოწერის შემდეგ ხდება წინამდებარე ხელშეკრულების განუყოფელი ნაწილი და მოქმედებს მასთან ერთად.
- 13.9 იმ შემთხვევებში, როდესაც ეს ხელშეკრულება ავალდებულებს მხარეებს დაიცვან წერილობითი ფორმა, ეს ნიშნავს, რომ დოკუმენტები უნდა იყოს შედგენილი ქაღალდზე და ხელმოწერილი ამისათვის უფლებამოსილი პირების მიერ. სხვა შეტყობინებები შეიძლება გადაიცეს ელ. ფოსტის, ტელეფონის ან ფაქსის საშუალებით.
- 13.10 მხარეთა მიერ ელ.ფოსტით გაგზავნილ შეტყობინებას აქვს იურიდიული ძალა და სავალდებულოა შესასრულებლად მხარეთა შორის. ელ.ფოსტაზე „მყიდველის“ მიერ წერილის/შეტყობინების მიღება უნდა დადასტურდეს ამავე ელ.ფოსტაზე შესაბამისი პასუხით.
- 13.11 გამყიდველი ადასტურებს, რომ მას ჩაბარდა ხელშეკრულება მისი დანართებითურთ.
- 13.12 გამყიდველი აცხადებს, რომ მის მიერ წარმოდგენილი მონაცემები, მათ შორის მისი რეკვიზიტები, სწორია.
- 13.13 მხარეები შეეცდებიან ყველა წარმოშობილი დავა და უთანხმოება გადაწყვიტონ ურთიერთ მოლაპარაკების გზით. იმ შემთხვევაში, თუ დავა არ გადაწყდება მისი წარმოშობიდან 30 დღის განმავლობაში, მხარეები იტოვებენ უფლებას თავიანთი ინტერესების დასაცავად მიმართონ საერთო სასამართლოს.
- 13.14 პირველი ინსტანციის სასამართლოს გადაწყვეტილება „მხარეთა“ მიერ მისი გასაჩივრების მიუხედავად, დაუყოვნებლივ შედის ძალაში საქართველოს სამოქალაქო საპროცესო კოდექსის 268-ე მუხლის მე-11 პუნქტის შესაბამისად.
- 13.15 წინამდებარე ხელშეკრულება შედგენილია 2 ეგზემპლარად – თითო ეგზემპლარი ყოველი მხარისათვის გადასაცემად. ორივე ეგზემპლარი იდენტურია და გააჩნიათ თანაბარი იურიდიული ძალა.
- 13.16 შემყიდველის მხრიდან ხელშეკრულებაზე ხელის მოწერი პირი, ასევე ხელშეკრულების ვიზირებაზე ხელისმოწერი პირები, ვადასტურებთ, რომ არ ვიმყოფებით ინტერესთა კონფლიქტში ხელშეკრულებაში მითითებულ მომწოდებელთან სახელმწიფო შესყიდვების კანონის მე-8 მუხლის შესაბამისად.

14. მხარეთა რეკვიზიტები და ხელმოწერები:

მყიდველი

შპს „სახელმწიფო კვებითი უზრუნველყოფა“

საიდენტიფიკაციო კოდი: 404 482 537
 მისამართი: ქ.თბილისი, ჭავჭავაძის ქუჩის 12
 ბანკის დასახელება: სს „თი ბი სი ბანკი“
 ბანკის კოდი: TBCBGE22
 ანგარიშისნომერი: GE58 TB73 5343 6080 1000 04
 საკონტაქტო ტელეფონი:

დირექტორი: მირანდა მანჯგალაძე

ხელმოწერა:



გამყიდველი

შპს „თ & რ დისტრიბუშენ“

საიდენტიფიკაციო კოდი: 202 311 738
 მისამართი: ჭიჭინაძის ქუჩის 2
 ბანკის დასახელება: სს „თი ბი სი ბანკი“
 ბანკის კოდი: TBCBGE22
 ანგარიშისნომერი: GE4TB11 00000 360 200 423
 საკონტაქტო ტელეფონი: 595 30 33 66

გენერალური დირექტორი: რაფიელ სურამელაშვილი

ხელმოწერა:



დანართი N 1

ხელშეკრულება N 1409101

N	CPV	თამბაქოს / სიგარეტის კომერციული დასახელება, ბრენდი	განზ.	ერთ-ფასი (ლარი)	ხელშეკრულების ღირებულება (ლარი)	მიწოდების პირობები
1	15991300	KENT HD 2.5 FUTURA	ბლოკი (10 ცალი)	27.40	83000	საქონლის მიწოდება ხორციელდება 2016 წლის 19 სექტემბრის ჩათვლით მყიდველის მოთხოვნიდან არაუგვიანეს იმავე დღისა. მიწოდების ადგილი: შპს „სახელმწიფო კვებითი უზრუნველყოფა“-ს საწყობი ქ.თბილისში. ვანის ქუჩა #6.
2		KENT HD 2.5 NEO	ბლოკი (10 ცალი)	27.40		
3		Kent Nano 4	ბლოკი (10 ცალი)	27.40		
4		Kent Nano 6	ბლოკი (10 ცალი)	27.40		
5		Kent iSWT	ბლოკი (10 ცალი)	27.40		
6		Kent HDi Blue New	ბლოკი (10 ცალი)	29.30		
7		LS FF	ბლოკი (10 ცალი)	27.40		
8		LS Lts	ბლოკი (10 ცალი)	27.40		
9		PM SSB	ბლოკი (10 ცალი)	21.90		
10		PM KS RED (წითელი)	ბლოკი (10 ცალი)	21.90		
11		PM KS Blue	ბლოკი (10 ცალი)	21.90		
12		ROTHMANS 6MG	ბლოკი (10 ცალი)	22.90		
13		ROTHMANS 4MG	ბლოკი (10 ცალი)	22.90		
14	39225100	Cricket, lighter black	ცალი	0.84		
15		SS, (lighter)	ცალი	0.80		
16		MS, (lighter)	ცალი	0.80		
17		Octopus, (lighter)	ცალი	0.40		


მყიდველი

შპს „სახელმწიფო კვებითი უზრუნველყოფა“

საიდენტიფიკაციო კოდი: 404 482 537

დირექტორი: მირანდა მანუგალაძე

ხელმოწერა:



გამყიდველი

შპს „თ & რ დისტრიბუშენ“

საიდენტიფიკაციო კოდი: 202 311 738

გენერალური დირექტორი: რაფიელ სურამელაშვილი

ხელმოწერა:

